



欽定四庫全書

十四

曾
459
14



91 4
葉
卷



崑崙
峯
百
詠
集

王運長署

光緒甲辰初
夏長沙葉氏
觀古堂校刊

崑崙詠集敘

夫天地相待河嶽不如日星之光山水爭奇波瀾豈若林壑之勝八卦方隅之位坎北而離南五聲清濁之原律長而呂短乃至孔翠鴛鴦之屬雄者負其文章梅桃梅杏之華榮每乘乎陽令而况盤古造分之妙不先生女而生男宣尼嘸歎之深未見好德如好色或謂變童始於黃帝語似無稽詎知姣者至於子都目有同美余嘗觀國風之下降窺天道之左旋乃知嗜好俗殊其酸鹹是非人分乎彼此傾國傾城之貌不盡屬於蛾眉疑雲疑雨之踪亦各畱其鴻爪藉閣孺子同徙宅於安陵韓李中人並馳車於永巷黃頭入夢高於麟畫之功烏尾畢逋罄彼貂涓之賜復

有命宮主貴偏帶禽星仕宦無媒因緣狗監郭舍人之註
爾雅不諱倖倡張雕武之附儒林何妨狎客是則陰陽和
會衽席可以同登寒暑推迤裘葛因而互用拔幟立幟奇
兵忽出於葦山迷津問津異境別開乎秦洞風懷趨而尙
左星氣候以非中亦有香草美人寫其忠愛舜華女子刺
及狂且昔寄興於榛苓今託詞於萋艾阮籍繁華之詠桃
李灼其光輝張翰婉孌之篇芙蓉誇其綺靡歌僮鬻粟薛
家畱白傅之詩定子檀槽杜牧託青衣之賦旣濫觴於吟
社遂奪席於迷樓若余所編崑崙集者可謂見西子而效
顰歌南風而不兢也已猶憶己庚之歲雅集題襟初分甲
乙之班高吟擊鉢於斯時也軍聲猿鶴國事蠅螭朝懸黨

禁之碑名投白簡客犯帝星之座禍起黃巾西望長安痛
六飛之出狩北戴斗極問一柱其誰擎宮中之鏡新磨幾
改同光之元號局上之棋亂攪遂成天寶之流離指銅駝
於荆棘之中移金狄於宮門之外琵琶場屋悽聞凝碧之
聲燈火樊樓殘照冬青之影則有哀時杜老再拜啼鵲說
夢莊生化身相蝶借醇酒婦人之事方欲自戕其生慕長
劍幼艾之風所謂無聊之極一時好句繡遍弓衣百歲閒
情化爲絲履從此年年紅袖勞指畫於旗亭處處碧紗遍
歌傳於井水語難割愛重登梨棗之篇事頗傳奇如衍桃
花之扇嗟乎愁誰多於衛玠哭有甚於唐衢何以解憂千
古之獄冤不化爲君落淚一聲之河滿難聽試觀皮裡之

陽秋卽是詩中之信史甲辰六月天貺日長沙葉德輝敘

[Faint bleed-through text from the reverse side of the page]

崑崙詠集卷上

長沙葉德輝煥彬譔

奉和朱莼卿同年太守卽席原韻

酒酣渴飲赤崑崙三峽詞源信口吞
哀怨祇餘憂國淚治安空抱救時論
眼前春色渾無賴鬢底秋霜漸有痕
幾樹甘棠餘蔭在綠衣隔坐見公言

疊前韻和莼卿太守卽席二首兼呈易實甫觀察

冤冤天柱鬱崑崙倒瀉黃河被海吞
虎豹九關真是戲鶯花三月不須論
偶憑歌扇通眉語卻檢征袍看血痕
海上妖氛何日淨和戎至竟誤姦言

祈連音轉卽崑崙識字須將丹篆吞
憂患男兒今日始文

章初祖幾家論黃梁幻境原如夢白璧閒情不着痕著述
無心官與嬾諭秦空有賈山言

贈純卿太守

神仙小謫去崑崙玉草沙棠任爾吞東觀蓬萊老氏藏儒
林循吏史官論公門桃李多春色

公分校鄉闈所得皆知名士

金闕觚

稜繞夢痕到處絃歌聲不輟牛刀戲耳記前言

九州以外阻崑崙絕地天通一筆吞玉尺屢陪星使宴寶
刀須共酒徒論秋風汾水才人淚春雨長沙旅客痕記得
金蓮歸院晚木天間話足清言

續贈純卿太守

去天十數里崑崙有酒如泉未敢吞彷彿百神之所在歸

來五嶽不須論熊熊珠樹祥雲色躍躍樽桑曉日痕一謫
紅塵成永別靈飛何處覓真言
前生祇合住崑崙五色霞漿日夕吞門第八龍光舊服弟
昆三鳳重時論壺催禁漏披星曙衣染天香帶露痕聞說
大馮多政績在民遺愛在官言

純卿同年太守攝沅州府篆詩以贈行仍疊前韻時

溽暑新雨後也

雄關咫尺近崑崙荒徼蠻煙一掃吞桑柘村中春欲老芙
蓉樓外景堪論天風拂袖鳴絃韻膏雨隨車潤物痕今日
五溪烽燧淨兩階干羽拜

王言

人間福地幾崑崙句漏丹沙已早吞馬服勳名銅柱遠龍

標詩價錦江論丁年甲帳升沈感酉洞辛巖過化痕從古
偏沅資鎮撫懷柔曾誦九經言

仙山寶笈貯崑崙萬軸琳瑯腹內吞元白風流酬唱樂龔
黃政績後先論兒童竹馬青絲絡太守花廳赤綬痕問獄
平反賢母教承歡一卷治平言

一麾江海別崑崙早賜金莖露已吞卧閣喜聞東海治遊
山好當永嘉論六聲館靜敲冰宴五瑞崖高勒石痕良吏
官尊二千秩政平訟理孝宣言

純卿太守善為拘體詩因效其體

綠波激灩浮崑崙碧筒作杯撓酒吞呂舉措有伶人學孫
叔敖與優孟論中郎典型虎賁貌玉溪擣撻獺祭痕固知

萬事如傀儡一笑仰天無可言
夜乘虎豹遊崑崙下視星斗海水吞傳聞神女有珠贈不
見風胡與劍論拔舌豈畏泥犁獄穿尻忽覩衣帶痕狂奴
故態本如此獨立四顧縱橫言

奉和純卿太守洞庭舟中寄懷之作

君山如髻擬崑崙湖水秋光一鴈吞去後歌筵增別恨幾
時文酒快重論旗亭賭唱黃河句樂府新聲白雪痕多謝
行人頻問訊臨歧珍重久要言

和卽席韻呈易實甫觀察

紛紛狗國號崑崙橫海樓船氣足吞燕領虎頭無我分鼠
肝蟲臂向誰論尊前錯落名花影衣上模胡舊酒痕記得

魂歸臺嶠外幾回相見各無言

感事疊前韻呈實甫

夜深酣飲撥崑崙詩句焚灰和酒吞朝士新成牛李黨書
生猶抱魯齊論航頭斷竹無真迹爨下焦桐有裂痕收拾
名心如槁木滄桑時局復何言

贈實甫

神山一角一崑崙上界仙都早并吞白玉連環交不斷黃
金條脫價難論臉光乍奪燕脂色背癢還畱鳥爪痕莫把
飛瓊姓名喚夢中先已悔多言

四魂飄蕩過崑崙欲哭無聲忍淚吞二陸才名一門盛三
蘇文集八家論朱霞白鶴雲霄物碧血紅羊劫火痕憶否
少年衣慘綠座中時發短長言

續贈實甫

玉童子獻玉崑崙癡絕吳兒淚暗吞過去生知空色妄無
題詩與化工論誰知春水桃花片盡是情蟲血淚痕萬古
青天明月影照人歌哭總無言
平生豪氣壓崑崙江海無波寂寞吞萬念忽從消滅起百
忙都作等閒論庭前玉樹新歌曲壁上金泥淡墨痕欲向
花叢尋舊徑花枝零落與誰言

偕實甫夜話卽用當時語率成二首

紛紛絳樹落崑崙都被春人夢裏吞兒女嬌癡成習氣仙
童狡獪有公論眉心室小沉花韻琴志樓高墮酒痕不信

傾城難再得英雄漢武莫輕言
曾隨穆滿宿崑崙偷折蟠桃被犬吞九轉丹成容我睡三
生劫過與君論閒傾螺黛供眉畫記取鴻泥印爪痕最喜
種花年事好人天清感默無言

近事四首呈寶甫

華夷中外隔崑崙佛說須彌芥子吞消息忽傳雙電至升
沉要總八星論鑿開混沌無形竅畫破乾坤太極痕十二
萬年前往事閒來祇共白仙言
小崑崙接大崑崙山勢龍盤萬象吞如此膏腴資敵用還
將肝膽向人論連雞各有爭雄志射虎難尋沒羽痕太息
長城今已失廟堂戰守不輕言

邉人無力鑿崑崙地湧金沙不可吞漫說瑤宮瓊室在只
同海市蜃樓論珠求象罔成非想石補媧皇漏缺痕竊得
枕中鴻寶看化書一卷是陳言

長河如帶繞崑崙倒影乾坤被月吞九塞曾無險可恃六
曹新有律堪論堂前燕雀諠譁語海上蛟龍出沒痕歲幣
久輸民力盡國存禮讓老成言

來齋送寶甫赴鄂

口銜丹詔下崑崙饑鳳時尋竹實吞東海魚龍吹浪起南
樓風月過江論幾聲玉笛梅花韻一片春旗楊柳痕鸚鵡
洲空芳草歇重來太白少狂言

瞳瞳海日照崑崙笑爾貪狼不敢吞浮世本如蒼狗幻此

心間與白鷗論珠香翠暖尊前話綠鬢朱顏鏡裏痕往日
春風遍桃李四時百物欲何言

和惆悵詞六首書寄實甫

匡廬親舍卽崑崙陸橘探懷未忍吞山靜祇聞猿鶴語風
來都作馬牛論千年鮑謝畱題處兩點金焦擁髻痕惆悵
潯陽江上月琵琶聲急不能言

江壇高宴似崑崙天末雲霞羽客吞玉白花紅才子賦鸞
翔鳳翥眾仙論珮環聲斷雙駟影鑪篆香添兩袖痕萼綠
華歸春事盡人天惆悵兩無言

廣寒宮殿是崑崙桂子含香到手吞月窟可憐幽夢短天
台已作舊遊論曾隨王母旗翻影不見吳剛斧鑿痕綠葉

成陰枉惆悵及時行樂與君言

麓雲遙似接崑崙手種仙桃恨未吞河漢影隨湘翠冷菘
莖香付楚騷論無鹽莫問調羹事有淚頻添結紉痕一讀
新詞一惆悵江天寥廓共誰言

天風吹我墮崑崙無數人才腹笥吞郭密香來書代禽念
奴嬌好曲須論花枝也帶風雲氣桂葉猶沾月露痕寄語
王郎莫惆悵自甘情死復何言

白雲黃竹夢崑崙阿母厨珍任飽吞詩比紅兒金屋艷經
傳素女玉房論牽牛渡鵲花間約倒鳳顛鸞月下痕舊事
思量卻惆悵藏鉤射覆總無言

和實甫遊仙

仙山何處不崑崙雞肋難同鳳髓吞委羽洞中丹訣漏通
明殿上綠章論誰尋張果騎驢影但見劉綱唾鯉痕五百
年間飛劫過太清容我發狂言
萬重煙霧隱崑崙僥倖誰將絳雪吞胡女丹圖窺內景袁
公劔術託空論鬼神前席荒唐問朝暮行雲斷續痕袖卻
鞭笞鸞鳳手與君閒究洞靈言
巨鰲無力負崑崙怒捲風濤日夜吞一世界如蓮葉幻萬
人海以米珠論神仙宮闕金銀氣兒女湖山粉黛痕修到
飛昇仍拔宅人天家累各難言
東風吹醒睡崑崙記得胡麻醉後吞桃葉渡頭人永訣蓬
萊宮裏道初論書傳紫鳳金泥字函瀉青龍玉液痕聞說

仙都多擾攘此行休更憶華言

實甫酬予詩有童男童女雙雙影桃實桃花一一痕
之句爲時傳誦因憶洪稚存卷施閣集詩有題秦
人種桃采芝圖六言絕句云童男童女五百桃實
桃花萬千何不成鄉里婚男嫁女耕田不知實
甫藍本耶抑偶合耶爰廣其意和之

海波如鏡對崑崙無數星宮背面吞遊戲東方飢欲死求
仙徐福恨難論三千桃實花顏色五百童男女淚痕不信
人間情種絕悽然共爾一燈言

再衍秦人種桃采芝圖詩意和實甫

仙源風景勝崑崙丹餌聊充果餌吞地有桑麻花更好世

忘漢魏晉何論人間天上千年夢日下西王兩界痕芝草
九光桃五色紅男綠女畫中言
何年濯髮上崑崙手摘星辰顆顆吞采藥未隨毛女去餐
芝豈向肉人論一輪桂魄扶雲影萬點桃花照海痕最羨
雙雙仙眷屬不須媒灼與通言

實甫歸自金陵為述近事有感而作

人間視肉滿崑崙坐看巴蛇把象吞雉兔同籠百雞術鳩
鵬自樂二蟲論山空虎踞龍盤影庫斷青霜紫電痕端坐
漫嗤泥塑客當年搏土本無言

俳體呈實甫

雲郎歷劫化崑崙實甫近從金陵為繆小山太史題湖海樓侍史雲郎小像梅影梅身

坐卧吞無肉竹絲無曲願有童男女有情論坐中一一桃
花色壁上雙雙菜葉痕用汪東山殿撰故事畱得秦時明月在仙源
肯向外人言

桃花結實滿崑崙摘入金盤帶露吞東日變童新詠出南
風小吏豔歌論晶簾倒捲秋河影翠被偷拳春水痕雌去
雄飛天萬里綺懷愁向酒闌言

劇飲即席書見續俳體呈實甫

俳優百戲舞崑崙火吐俄驚刀又吞萬歲千秋無此樂三
郎亞子共誰論後庭花照屏風豔上界鐘搖壁月痕不信
美男能破老枕衾獨旦是訛言
其尻安在問崑崙椒桂含辛楚客吞燕燕于飛離恨短雙

雙而至合歡論公羊疏引舊說以雙雙爲獸名雄狐雌兔緣情賦海鯨雲
鵜綺夢痕千古大王風最快當時宋玉已昌言

和實甫觀察離席並柬朱沅州

陽關西出是崑崙淚眼相逢黯黯吞午夜笙歌須痛飲清
時鐘鼓待重論金鈴十萬春無主珠履三千酒有痕莫向
離筵誇得寶蒼茫人海恨難言

玉塵如雪掃崑崙蓮子金盃對月吞鈿盒一雙情已定香
匳十六體同論彩雲天上如泡影春水池中有縐痕我爲
年來哀窈窕銷魂銷骨畏多言

和實甫卽事

瑯琊風調賽崑崙斗酒惟邀學士吞葉令飛鳧張網得緜

山控鶴弄簫論啞啞似白頸烏語濯濯如春月柳痕信是
江東能獨步醉時歌舞醒時言

玉卮無當笑崑崙腹稿成時墨已吞生此甯馨兒大好莫
將阿堵物輕論碧雞金馬三春夢瑤樹瓊林四照痕一卷
撫言還熟讀閒情須與可人言

實甫招飲卽席漫成

遊仙一枕到崑崙有棗休教囫圇吞八九胸無雲夢在三
千首與翰林論風懷左癖兼詩癖雨意潮痕半酒痕坐上
安陵人不識須知楚寶楚書言

河山泡影渺崑崙瓊蛸何曾被鱗吞墨翟尙同同亦異莊
周齊物物難論我因逃世看春色君爲哀時有淚痕拋卻

特豚殘冷炙白頭無悔是斯言

再和實甫卽事之作

胸中塊壘化崑崙何物澆愁把酒吞黃菊秋光三處近綠
楊春色兩家論馬無北轍南轅志龍有東鱗西瓜痕除卻
巫山與滄海世間靡所說愁言
紅綃心事付崑崙遺恨如吳失計吞卻讓上風桃李占莫
將下體菲葑論千絲寶帳畱香夢十斛明珠是淚痕別有
孤懷託頑艷罪言誰信卽忠言
青衣紅袖兩崑崙玉貌崔生席捲吞化作鴛鴦唐殿去夢
爲蝴蝶漆園論同舟我負神仙望贈扇君畱雪月痕忽聽
王郎歌斫地當筵垂淚各無言

關河百二壯崑崙秦鹿終歸赤帝吞郭舍人因倖倡進董
嬌嬈以盛年論黃驄陌上春塵影朱雀橋邊夕照痕身世
萬千哀樂感閒情一賦是閒言

昔楊孟載論李義山無題詩以謂音調清婉雖極其
穠麗皆託於臣不忘君之義斯言洵義山知己也

余生平不喜爲詩今歲夏秋間與同社諸君更唱
迭和竟逾百首適 實甫又以六詩見投深有合
於義山之旨因依意和之腐木漁鼓不足供大雅

一噓然於孟載之論義山則固未有背也

碧桃紅杏照崑崙化作雲霞海欲吞太史文章牛馬走慕
容姿貌鳳凰論蕭閒並愛童初學藥轉難尋夜合痕綺歲

艷情渾不減相親相近每忘言

博山鑪子鏤崑崙沈水香濃獸口吞入世本來無我相傷
春因託不平論神仙郭四朝如夢風月張三影有痕幾度
聞歌還墮淚唾壺擊碎卻無言

山人扇子署崑崙牢落悲歌淚暗吞生世不諧齋有幾相
君之背貴難論風清月白愁來緒雨過天青夢落痕記得
巫山巫峽路別時珍重兩三言

溫柔不戀戀崑崙虹飲泉如驥渴吞七二水嬉真幻想三
千蠻舞是閒論袖中鐵笛穿雲響座上琵琶偃月痕燕趙
古稱多忼慨明時憂憤託狂言

羽鱗無便達崑崙火棗交梨并欲吞好色賦從騷體變遊

仙詩雜道家論風光溱洧興中比富貴邯鄲夢裏痕此去
燕臺休悵望黃金揮盡復何言

萬花如錦羃崑崙錦簇花團獨坐吞五色霞光神雨過九
霄雲氣相風論檀槽捍撥臨春曲松蓋低昂戲彩痕魏闕
江湖同一夢美人香草屈平言

寶甫有青衣被放余爲乞環作詩媵之

君家奴子勝崑崙祇恐蛟龍見欲吞昨夜驂鸞乘客散今
朝笞鳳怕人論新詩誦慣心牢記賣券書多鼻涕痕應是
前身蕭穎士愛才纔肯與深言

難求無價寶崑崙欲語何須半吐吞不返豈同黃鶴去盍
歸當與艾猴論琴堂鄭律多生意蓮幕孫梯記舊痕一曲

同心君聽否春陰乞護替花言

漫賦和實甫

織皮入貢紀崑崙今日長蛇勢漸吞築室自來多異議籌
邊何敢發高論蟲沙世界恆河數牛角山河夕照痕除卻
閉關無上策年年交聘有違言
手攀星斗下崑崙見慣仙桃亦嬾吞壯歲功名傳舍過中
年哀樂醉鄉論料量芟稅菱租事愛惜珠光劍氣痕髀肉
已生頭漸白惜春空寫萬千言

與實甫夜話記四部書別典成詩四首

源頭事事溯崑崙祇笑詞人墨少吞風尚朋淫遊是好國
多外寵俗難論佻兮健爲青衿刺訟不男畱赤石痕夜枕

牀杠同卧起媵僮曾記史游言

翩翩入侍愛崑崙草是宜男不可吞童亦比頑經豈僞出
云非法佛曾論閉房祕授還精術畫屋同觀裸接痕狗竇
無毛臣朔笑警警還共倖倡言

幾回夢想幻崑崙說士甘時舌盡吞兒有姝稱墮地始男
而女事奪天論迷陽一路吾行曲逐臭三年彼物痕風到
南薰真解慍羲皇人卧北窗言

我聞堪坏襲崑崙終古疑將日月吞雄漂淪無形可見鴨
販足以理相論丹成莫問陰陽訣峻作纔知牝牡痕大道
何妨窮矢溺世人多是畏流言

山山合體二首戲呈實甫

仙山大小析崑崙清濁河流涇渭吞水母日蝦同類感蝓
蟲腹蟹化機論龜蛇并體偕行處鳥鼠同居雙宿痕比翼
比肩還比目奇聞欲廣職方言

鞭驅海嶽走崑崙學得神農百草吞寓木宛童生亦寄唐
蒙王女偶相論蚌因箸樹珠胎實蚌已成田玉種痕庭有
交柯池並蒂連枝同氣是陳言

答李佛翼公孫見贈之作

朱門歌舞鬧崑崙曼衍魚龍駭浪吞九畹香宜騷客佩孤
山清並水仙論玉繩低亞簾波影銀燭高燒蠟淚痕況是
名園依綠水花如解笑鳥能言

詩壇覓句賭崑崙才氣青蓮捉月吞門巷烏衣聞燕語歌

筵紅粉當花論拚將絲竹陶情物幻作雲煙過眼痕守黑
守雌家學貴楹書畱得五千言

訓寄禪上人

十方交綫起崑崙世界由旬佛子吞戒律嚴逾詩律細禪
心妙合道心論林泉清供煙霞味花月前因水鏡痕夜半
潮音催漏轉相邀同聽廣長言

寄禪法師數以佳什見教疊韻奉和

輕舟一葉泛崑崙漏網之魚那得吞菩薩象猿徒自擾道
林鷹鶴許同論花城說法畱燈影蓮社行吟印履痕三教
平心吾豈敢喜公詩見道中言

奉和湯幼安方伯聘珍感懷一首

壯年跌宕走崑崙長嘯歸來海嶽吞羣季交遊惟我隱中
興事業與公論壁間寶劍星辰氣塞上征袍雨雪痕棠舍
東南碑在口至今遺愛部民言

和呈蔡園祭酒

著書體似導崑崙九曲分流萬派吞鼎足同朝張李並經
心曠代漢唐論文章南閣無奇字絲竹東山有淚痕馬帳
我從盧氏學再傳差喜續微言

和陳笠唐觀察卽題其東山草堂圖

東山小隱亦崑崙江獺林鳥覓食吞前此登臨如我少人
生行樂及時論風霜塞北抵盧夢煙月江南豸繡痕五十
頭顱猶未白憂時曾獻策干言

奉答陳萃皆大令賜和之作

乾坤萬劫此崑崙有酒須逢笑口吞卯飲莫愁歡會少子
虛原作寓言論燈前控鶴嬉春影枕畔神雞叫夢痕一樹
甘棠一紅豆東風畱待後人言

峩眉伯仲此崑崙岷水西來漢水吞筆挾風雷驚客走壺
藏日月待君論天神玉女盛囊血王母金童被酒痕一例
色空俱幻相不須懺悔託明言

豈聞太白壓崑崙嬉笑能將七子吞自古才人多譎怪於
今世事祇空論高歌青眼誰豪飲大笑黃頭沒夢痕我讀
君詩倍惆悵平生懷抱幾曾言

一花一葉一崑崙醉把朱霞帶日吞連臂宵寒香有影比

肩人瘦玉同論十千酒價驕春色三五年華鬪月痕百首
風懷刪不得煩君判定一家言

題夢園秋禊圖爲徐耕娛明府作

管絃繁會鬪崑崙淥水虹橋鏡沼吞飛燕生來輕可舞伯
鸞死矣曲誰論文章一卷秦雲影風月三生楚岫痕秋入
夢園秋更好淺斟低唱恰無言
年來塵夢擾崑崙辜負松醪總未吞箭漏易催銀漢迥簫
聲喜對玉人論憑將流水高山意化作輕煙淡粉痕獨抱
秋心向瑤瑟丹青難寫口難言

樨園看天彭牡丹卽席呈主人

冷風吹夢墮崑崙自冷姓女閩中移來似有西施舌許吞一見便如

歸燕識三生須記牧牛論厭聞絃管聲中語纔染胭脂指
上痕擬向洛陽同貶去相思多恨說衷言

小西京是小崑崙玉液朝朝暮暮吞國色自矜顏色艷天
香新帶乳香論水間竹際牽芳夢雨後花前露睡痕多恐
遊人攀折去蠟封泥裏悄無言

玉瓊瓏是玉崑崙瓔珞垂垂研露吞天氣最宜挑菜節人
才都作品花論靈犀欲照知心許禁鹿初銜認齒痕羞殺
玫瑰開不得徐凝詩句半詠言

勸君豪飲醉崑崙莫待凋零釀蜜吞一寸春光金比貴二
分月色璧同論嫣紅袖底嬌無語淨綠盤中唾有痕昨夜
闌干誰共倚誓盟多是海山言

甌東山樵金臺花品一卷分紀京師伶人姓字各繫

花名綴七言斷句一首余丙戌至都中諸人半皆

老大今則多下世矣重閱有感因題一律

蓬瀛水淺接崑崙清宴頻頗送酒吞今日梨園多後輩當

年花市有公論遲來杜牧傷春淚前度劉郎歷劫痕欲為

伶官成績傳輸他歐九有微言吞天原景宜將茶酒人

分詠說部四首

唇樓海市託崑崙拉雜燒灰付蟻吞漫說雕龍心太狡縱

能及駟舌何論小書濫出麻沙本穢史污雷筆墨痕一例

豐坊工作偽明時巾帕盡訛言聯語雕龍紀文達深陽

所刻不著作者姓名依傍史文穿鑿煅鍊

寓言八九說崑崙一卷奇書濁酒吞世界瞿曇俄頃變姓

名點竄脫空論紅樓幻境同非想綠野仙踪異夢痕不是

品花為品曲多君勸誠有微言品花寶鑑

琵琶聲急撼崑崙推手含悲卻手吞南北院全歸管領東

西毬半付評論煙花錄外清平樂士女圖中秘戲痕今日

燕臺滄海變胡琴羌管雜夷言燕蘭小譜袁枚隨園詩話補遺三云吾鄉安樂山

樵箸燕蘭小譜皆南北伶人之有色藝者

河源萬丈走崑崙搖筆終南秀色吞自古秦中歌舞擅誰

將隴上別離論西方彼美榛苓感北地荒寒冰雪痕譜號

擷英英擷否遺懷誰喻客中言秦雲擷英譜嚴冬友長

在畢秋帆制府幕中時作

齋中分詠小說四首

積書百種埒崑崙搬演登場絃管吞腳色最推元劇盛尾
聲還雜宋詞論一雙檀板敲金屑五六工車按玉痕詩變
詩餘詞變曲廣陵誰復識琴言雜曲明毛晉刻有元
人百種曲劇曲皆備

虞初九百祖崑崙談助書多佐茗吞天寶舊聞丞相記宣
和遺事客官論喜聞山伯墳前事評泊楊妃畫上痕七字

有時同急就餘波還作道情言傳奇一
名七字唱

曾於青史溯崑崙書味兒時耐嚼吞列國例從三傳略封

神影射六韜論流傳忠孝神仙蹟點綴風花雪月痕客思

無慘易消遣巾箱檢墨為星言演義

沿街盲女學崑崙彈到傷心淚忽吞一代興亡誰管得百

年恩怨細推論聲含杜宇啼冤意血染萇弘化碧痕不似

吹簫人乞食廣筵涼月助詠言彈詞

本意示同詠諸君

羽陵不蠹蠹崑崙食盡神仙沒物吞蒼字成時聞兔哭玄

風勝處與雞論人言少艾甘情死我說如花是劫痕剩此

一重公案在更無功罪待他言

新詩百首百崑崙思到無慘字亦吞檣杵書成淮雨亂離

騷經補楚風論可憐飛鳥投懷意總是哀鴻滿目痕胞與

難訓民物量眼前光景寓歡言

蕭郎真陌路曲中哀怨卻難言
珠光劍氣小崑崙乞得雲漿便欲吞
彩筆夢中無別賦玉
梅花下有詞論迢迢銀漢窺星度
宛轉藍橋認雪痕坐上
唐衢休痛哭相逢相識各忘言

賦得珠圓

嬉遊赤水與崑崙網得元珠畏蚌吞
去日沉淵光未吐今
時照乘值休論蟻穿九曲玲瓏影
鶴舞雙飛玃璨痕四座
玉人俱壓倒嬌喉一串妙難言

賦得玉潤

璆琳寶玉出崑崙貢入天厨碾屑吞
赤野求來須穩貼藍
田種出豈虛論坐中塵柄無顏色
市上羊車有迹痕曾侍

瑤池王母宴金童再世託筌言

遊仙

瓊樓元圃接崑崙火棗如瓜入口吞
忽聽鸞凰空翠語間
將龍虎大丹論碧桃紅杏天邊影
玉兔銀蟾月裏痕一卷
黃庭一丸藥長生原不在多言

海西

海西西海有崑崙日月雙丸倒影吞
胡越同舟爭未已春
秋內國例難論金丹那有回天力
玉斧終畱畫地痕阮哭
窮途劉頌酒書空殷浩了無言

往事

玉溪生對玉崑崙消渴時將花露吞
死負愚忠山鬼笑生

雷遺行稗官論空聞碧海青天誓無復朝雲暮雨痕自惜
年華悲往事桂堂來去託空言

無題

搖空海水綠崑崙金闕銀臺百寶吞千古風流淘浪盡十
洲荒渺破天論月圓月缺原無定潮去潮來總有痕直待
蓬萊清淺日與君訪道析微言

六朝唐人有顏色詩戲仿其體

神山紫色紫崑崙青海黃河一氣吞天上白雲當畫讀人
間赤縣按圖論靈宮翠水藍橋夢眞府朱甍碧瓦痕萬樹
桃花紅似綺回頭遙共列仙言

賦得珠光

開明坐臥守崑崙拋散珠璣怕雀吞幽夢高唐千載豔交
情膠漆十年論秋心銀漢雲中影春意紅梅雪外痕明月
夜光同護惜點頭終勝石能言

賦得劍氣

空同倚罷倚崑崙劍氣冲霄牛斗吞豔福英雄兒女傳名
花姊妹弟兄論桂華皎潔雲開影芍藥妖嬈雨過痕坐客
有人歌白雪曲高難共楚騷言

雲漢

槎迴雲漢望崑崙星海疑將列宿吞公瑾醅醪先客醉河
東珠玉後賢論二分春鬪眉稍色徑寸光懸掌上痕採得
同心宜作佩蹇修誰與道私言

花時四首

都梁山好亦崑崙種得宜男夢裏吞一浴湯成千日醉四
時香冠百花論輕描綠黛蛾眉樣淡鎖蒼煙鳳尾痕清勝
梅花溫勝玉同心祇合與卿言

崑崙邱外又崑崙玉井蓮開實可吞淨業欲參菩薩乘香
魂合并美人論紅肥綠瘦春無色月曉風清夢有痕種出
污泥仍不染盈盈綠水妙難言

一枝丹桂出崑崙多恐嫦娥當藥吞恍惚白榆星外落低
昂紅杏日邊論三千鳳集香雲影八九烏飛落月痕獨立
廣寒高處望夢聽仙樂爲余言

玉妃昨夜降崑崙亂散瓊瑤月下吞東閣風流思往事西
湖雪霽待重論六花白處凝脂色一萼紅時笑靨痕莫道
心腸真鐵石廣平詞賦麗千言

代贈

綠窗朱戶掩崑崙曉起誰拈廁棗吞錦瑟無端成隱事香
衾辜負祇空論煙花處處傷心物脂粉朝朝洗面痕自檢
妝奩思綺語金荃一集是知言

靈鷲主人造思古人賤以寓景行之意余與實甫約
爲思古人詩僅得十首乃知同調人古今正不多
見也

龍門高峻極崑崙禾黍秋風淚自吞六代繁華亡國憾三
家壇坫主盟論江南花落多愁緒薊北霜高有夢痕一曲

王郎聽不得五陵年少莫輕言

吳梅村錢牧齋

龔芝麓

五銖童子小崑崙羞澀珠喉啣似吞宋玉才名臺下賦陸

郎年紀酒邊論吳江剪得橫波影梁苑分來豔雪痕回首

文茵歌舞地陳髯狂笑曲師言

宋牧仲用陳其年定風波詞第二首牧仲虞美人

詞意

紫雲風貌冠崑崙湖海樓高百尺吞客路三千叔文老功

名五十博陵論祇聞么鳳啁啾語邨有前魚涕泣痕自譜

玉人歌一闕未妨惆悵是愁言

陳其年

眼中芒角射崑崙悲嘯無端有淚吞歸

有謝榛

共湯斌汪學派幾人論五湖歸夢蒼波影萬里遊蹤碧

草痕日誦楞嚴經兩卷吳兒木石也知言

計甫草

玉堂仙客謫崑崙列宿羅胸廿八吞北里東家遊興懶西

湯南蔣賞音論枕書瑤碌談星命壁畫縱橫漏日痕千尺

桃花萬家酒汪倫豪俠喜狂言

汪東山

部婁邨得比崑崙山入靈巖萬壑吞畫日文章三館貴凌

煙事業百年論兔園鴻雪空陳迹虎阜鶯花憶夢痕豔福

平生消受早焚香夜對桂郎言

畢秋帆

龍媒天馬出崑崙

吳梅村句

玉醴無源自可吞李白才憐飛燕

倚劉三情好媚猪論碧分宮錦歌裙色紅照春燈舞袖痕

李玉淵

嚴冬友

慙媿當時嚴侍讀相思枉自託禽言

仙都早歲別崑崙江左名花此老吞東觀文章才子望南

朝風月寓公論芙蓉帳暖銀燈影蓮葉盃銜玉樹痕海內

推袁名已重悠悠身後聽浮言

袁子才

萬山起伏視崑崙虎臥龍跳筆下吞學佛早通歡喜法談詩也作色空論黃金不惜教歌舞碧玉何曾着點痕老去

五雲都遣散舊聞雷與履園言

王夢樓

岱南高閣埒崑崙六籍笙簧學海吞董子下帷真苦讀鄰生入幕好高論少年行愛楊枝舞本事詩成芍藥痕勘定

郭公文未闕平生私淑說經言

孫伯淵

續思古人詩四首

萬壑春畫日文章三韻貴

笙歌小隊列崑崙白首哀時血淚吞一曲紫雲聽已慣雙

聲金菊妙難論秦簫解作蠻腰舞花乳羞遮便面痕老去

楊枝都遣散風流誰共樸巢言

冒巢民

青天蜀道似崑崙收拾鶯花袖裏吞金縷曲憑紅豆記黑

甜鄉並白雲論尊前雁柱人千里鏡底鸞鏡月一痕宋玉

當年最搖落招魂為賦大招言

宋荔裳

誰家侍史豔崑崙一朶夫渠鏡影吞把酒斜陽今日恨畫

眉春色遠山論波心月白搖魂碎人面花紅映肉痕杏樹

海棠零落盡風前張緒默無言

宋轅文

力排閭闔蹴崑崙俯視堯峰氣欲吞詩法生新吳下重歡

踪離合越中論浮名白簡休官味悵別紅亭灑淚痕風雅

吾宗陵替甚已畦一集少知言

葉橫山

陽臺四首

黃金屈膝玉崑崙花氣微醺夢裏吞倒好嬉描春色膩旃

羅含照佛光論迴看北斗闌干影喜見南枝窈窕痕官是
屯田人庫穴閒情休共宦情言

侯門深似阻崑崙芳餌無魚上釣吞衛國夏丁優狡愛霍
家奴子羽林論簾前鸚鵡偷簧舌被底鴛鴦濯錦痕三十
三天俱色界風流不向個儂言
當門萬里見崑崙好句何人活剝吞火候林間梅子熟風
情嶺外荔支論月波瀲灩三更影雲氣空濛九曲痕古樣
迷離還撲朔眼花撩亂口難言
踏歌夜半起崑崙幾樹瓊花見欲吞周匝幸無亡虜辱何
戡祇作舊人論薰籠並倚調香屑舞袖雙迴剩淚痕莫問
旁行求偶意誚青衣賦是名言

戲贈

蛤中一佛一崑崙妙相莊嚴水月吞南國逢君詞客感北
方絕世倖倡論書聲琴韻陪清話酒綠燈紅憶夢痕最喜
問年瓜未破幾回含笑更無言
海天明月照崑崙無限光明地軸吞對酒莫嫌良夜短賞
花須及少年論雲嬌雨殢千愁緒紫韻紅腔一笑痕怊悵
梁園舊時客知音幾輩是知言

再續思古人詩四首

蘇瓌有子賦崑崙說到滄桑淚迸吞歌舞教成金散盡文
章價貴畫同論婁東門第燕山夢江左衣冠馬糞痕三字
家書貧老病承平絃筦那堪言

王遜之
丙午家書是時平西遣人

至江南采歌童先生家
樂有品品者方求出也

明如初日兩崑崙孤館含香密坐吞璧月圓同瓊樹見水
仙清共蠟梅論珠簾一角垂垂影羅襪雙鉤步步痕如此
風情誰更妒六瑩詩老悔多言史蕉飲

歌筵得見舊崑崙縱酒銜杯待月吞紅藥飄零春欲盡青

衫憔悴我同論傷心鞞部如塵影回首花巢是夢痕日暮

喬公墳下過幾人腹痛感知言喬白田

邗江日日把崑崙江水流杯浪並吞磊落王郎人漸老風

流謝客喜相論一雙紅袖如花影廿四朱欄好月痕桃李

門牆春爛漫連篇珠玉半清言謝薌泉 余見先生邗江
雅集詩敘敘爲袁枚作並

書作詩者三人王文治吳
雲及袁也吳爲先生門人

綺懷

無慘身世雜崑崙苦李酸梅各自吞臥榻儘人酣睡足聯
床容我盡情論重帷夜合冰膚膩一枕春寒玉臂痕秘冊
繙完男事少左懷休怪少人言

天生尤物幾崑崙手送含桃與我吞資格漸深名慣喚恩
情多好禮休論生兒笑恐成災異御女從來託夢痕一種
新歡魚得水夜來嬉笑曉來言

續本事詩四首調實甫回龍陽

當筵一曲醉崑崙鼎鑿曾嘗恨未吞張孔容華瓊樹列董
秦官爵玉川論新詞譜出籠鵝曲好夢圓成化蝶痕往日
招搖同過市餘桃何恤市人言

乘槎一夕到崑崙偷得蟠桃放膽吞拋卻九頭師子印來
尋三耳秀才論燕梁穩宿忘心事鵲渡填成露尾痕壯歲
風情原不惡山盟海市夜深言
飛牆百尺隱崑崙醉把壺瓏骰子吞狎客漸隨詞客散春
人好共玉人論青年跌宕繁華夢紅粉消磨綺障痕末路
英雄真可笑分香賣履好煩言
柔腸百轉繞崑崙同病相思鵲腦吞得寶固應于野獲銷
金真好以窩論三營兔窟成歸計一道羊溝劃界痕未卜
他生還有約白頭休作負心言

劇席感賦

無端平地轟崑崙大海迴瀾島嶼吞去日堂堂歡會少晨

星落落故交論鄉心鱸膾遲秋信山色蛾眉寫黛痕爲雨
爲雲吾意嬾幽懷時向酒中言

鈞天廣樂奏崑崙花片如雲拾便吞珠劍喜看雙美合箏
簫還共八文論空亭絳樹依雲影流水桃花染漲痕

是日見舊人郭仲思

演南樓 一事平生矜絕學禪宗戒律道宗言

效香奩體

青天何處覓崑崙王穉登句明月如珠碧海吞惜別畱歡空復
爾飄茵墮溷祇同論繭因蠶死畱香蛻花爲鵲啼見血痕
惆悵空庭人獨立秋宵無寐聽蟲言
茫茫身世託崑崙芳澤微聞竟夕吞一向夢回無定所自
甘情死復奚論鳳凰衫子裁雲縠翡翠簾丁挂月痕刻骨

相思盟臂約何須萬語更千言

有題十首

芳魂一夕返崑崙如雪桃花舞席吞色目班行垂玉佩

玉佩

佩金二班名見紀文歌喉宛轉買珠論回翔鸞鳳霓裳曲

變幻魚龍水飾痕百歲承平絃管地清時好共酒人言

太平萬歲舞崑崙手把芙蓉坐月吞百寶莊嚴魚貫列五

花爨弄象胥論金迷紙醉雲生障柳絮萍根浪拍痕春色

十分遮不住有人附耳囁嚅言

五雲深處是崑崙仙露如珠掌上吞李妹北方今獨立毛

嬙西子古同論近日雖伶無如李韻紅毛德雲之姿韻者眉憐蛾畫雙環影心

比犀靈一點痕我為種花因種果閒愁消盡費閒言

逢人說項說崑崙一顆明珠卻未吞道觀種桃春意少天

台采藥昔緣論絲牽玉虎偏多恨壁點蒼蠅總有痕不是

許書無國姓卯金諱為莽臣言劉軼凡唱生品格卑下不入珠劍之目

高燒銀燭照崑崙案戶星河捲幔吞半臂寒禁雙婢語單

心愁對十郎論量珠賭綵增聲價抱玉偎香寫夢痕珍託

春風休漏洩三緘金口古之言

擎箱搖扇託崑崙羽化銀盃沒酒吞月事喜逢姬侍避風

懷好向監奴論夜光浮白葡萄飲朝日參紅菡萏痕沈約

有文工懺悔笑他遲暮託箴言

仙韶院裏即崑崙大食如將小食吞花洞迷藏人似醉草

堂婉孌客同論手拋紅豆成心病臂點丹砂印血痕頑石

三生知有意我來說法少空言
散花天女下崑崙散作香雲彩鳳吞杏靨嬌宜燈下語蓮
心苦向酒邊論藏珠隱僻承新寵共枕綢繆眷舊痕裊褥
黃金憑自取一回相見一回言
愁聞胡笳換崑崙回首乾嘉淚自吞坑死人知天秀美夢
新婦與俊官論一時裙屐風流選五夜笙歌月墮痕莫話
開元全盛日興亡都付酒杯言
金尊檀板宴崑崙豪氣凌雲海欲吞一日探春花看遍三
人對影月同論妝成紅袖多香澤濕盡青袍是酒痕蠟淚
成堆知客醉歌筵四顧忽忘言

相風四首

重帷深鎖隔崑崙飢死纔尋半李吞我豈藁砧休誤認卿
爲如意畏誰論懸知荀令薰香夜學得何郎傅粉痕對客
佯羞瞞客語妮人都是撇清言
相思無怪爲崑崙坐欲含來臥欲吞背指菊花開正好眉
頭柳葉畫難論月明夜扣雙環影風色晴占五兩痕一種
腰肢消瘦好楚宮纖細不勝言
雄風吹女墜崑崙鄉味甜時似蜜吞脊管忽高求不得尻
輪自轉妙難論餘桃別有相思味共樹猶畱並命痕記得
丁寧天欲曙須防中葦有違言
死生顛倒在崑崙莫道橫陳蠟燭吞捷算要通鉤股術新
詩合有別腸論擴清蠻觸蝸爭界滅絜蛛絲烏迹痕聞道

仙源真異境桃林休向外人言

實甫招飲劇席卽事書見

一雙素手語崑崙逸氣如將羯虜吞賤妾命同胡地薄畫
工名重漢廷論三條絃索驚沙響十里旌旗落日痕莫笑
當場催去急和戎今日是甘言

全嬌演和北番搬王昭君

開元全盛演崑崙鼙鼓傳來別淚吞曲罷祇添亡國恨妝
成還作麗人論傷心夜雨聞霖候回首春寒賜浴痕底事
六軍齊不發至今絃筦也無言

詠嬌演馬嵬驛搬楊貴妃

勢如元夕奪崑崙桴鼓親征敵慨吞夫婿侯王何足貴鬚
眉巾幘此間論軍容茶火如雲氣馬色桃花似血痕千載
英風猶得見銜枚戰士闌無言

詠南演黃天蕩搬梁夫人

紅顏相對黑崑崙王氣沖霄北斗吞棲鳳始知隆準貴從
龍應作股肱論他年仕宦金吾夜此日王孫草綠痕漢祚
中興功第一雲臺添繪是公言

升梅演陰家莊搬陰麗華

續有題四首

月華皎潔放崑崙蠟燭銅荷帶淚吞萬紫千紅都失色黃
金白璧莫輕論唐鷄甕底魂迷語謝豹花前血濺痕莫學
鴛鴦飛兩處今宵擁檝暢懷言

仙山有路覓崑崙豪飲還將海月吞見便低頭因悔約恩
如結髮漫相論五丁太華開無力六甲中宮紐有痕好事
半教忙裏過一回懊惱一重言

連天冰雪壓崑崙星海星多望欲吞醉已如泥牛共飲醒

原是夢蝶同論東風總費吹噓力夜露微沾液泥痕自去
自來人不覺相逢分手未曾言
藍橋翠水繞崑崙麟脯行厨任飽吞得手固知緣有定到
頭豈有價堪論燈前細領猩唇味枕上輕畱雀舌痕幾度
橫陳更親切來時無語去無言

戲奩六首

高梳雲髻舞崑崙百媚千嬌意氣吞似我閒情爲鬢好與
卿調笑上頭論玉簪斜插龍盤樣金縷橫拖燕尾痕攬鏡
自憐還自喜歌聲先學女兒言假頭
飛梯走索上崑崙酒送鞋盃合席吞跌似春妍知屣穩影
如月小作弓論雙鉤細步纖纖印六寸圓膚緻緻痕一樣

消魂同錦襪花間拾得莫先言

翹子

水晶簾下看崑崙色若能餐秀可吞冠製鷄鵝脂粉艷釵
飛鸞鳳髻雲論平分春色通眉語半送秋波掩淚痕珠翠
滿頭香滿頸嬌羞細語復輕言紗罩

翩如仙子降崑崙半鳳能將五鳳吞卻與徐妃妝面好莫
將西子效顰論彎環新月當頭樣嫵娜春風壓鬢痕雙隻
眉峰橫遠黛回波思替愛卿言半鳳冠

翻身燕雀落崑崙十萬金錢一夕吞舞罷柘枝嬌欲墜搨
來楊柳瘦堪論未妨擁抱同裙解但覺纏綿是帶痕願近
香肌作羅綺同心結子綰愁言搭帶

連箱唱罷唱崑崙半吐歌喉復半吞小物不妨娖妓甚早

妝羞對女兒論平頭欲試擎無力笑口同開掩有痕貯得
相思多少債他年金屋謝金言

網箱

月節折花詞

名花無不謝之理美人無不老之時故賞花須及
少年好色則慕少艾此人性中自然之情欲無所
引而動者也余性耽音樂而不甚悅絲竹不諱好
色而不甚重女色究之笙歌拂耳久坐則神疲玉
體橫陳視之若囊穢年來家國多故託此而逃古
樂府有月節折楊柳歌戲仿其例綴以花名比之
詩品雲煙過眼鴻爪畱泥此後花謝人老余不得
知尤願余不得見但就一時之事言之則不可無

所諷詠定保非樂人故列之於閨位云

正月蘭花 采采流水蓬蓬遠春 唐詠蘭瀏陽

壁間塵影拂崑崙一陣幽芳靜坐吞明月偶逢佳士語清
風來與故人論珠簾不捲畱香韻玉案初移著澗痕階下
錯疑書帶綠侍兒終是不明言

二月木筆 喻彼行健是謂存雄 帥生花醴陵

朝天作勢畫崑崙宿雨晴煙曉共吞筆削似諳花史例扶
疏應作草書論簪如美女初成格夢與才人已化痕記得
東風開第一臉霞相映妙難言

三月牡丹

青春鸚鵡楊柳樓臺

漆全嬌醴陵

絳雲一朶捧崑崙萬葉千枝互吐吞富貴神仙妃子笑太平風景侍臣論六宮粉黛香奩體十里樓臺錦繡痕國色無雙饒魏后羣花低首拜無言

四月芍藥

金尊酒滿共客彈琴

郭詠嬌瀏陽

年年春色醉崑崙我有將離與爾吞花被犬銜星子散藥隨兔擣月娥論名宜綽約雙聲字夢亦逍遙並蒂痕四月南禪嘉會勝殿春芳引惜春言

五月榴花

觀花匪禁吞吐大荒

帥福嬌醴陵

塗林嘉木出崑崙朱實瑩瑩卻好吞照眼任憑行路折出頭祇許隔牆論移來絳節翻風焰妬殺紅裙避月痕如此狂花天不管誰教石醋夢中言

六月荷花

體素儲潔乘月返真

彭詠寶長沙

晚霞相對酌崑崙不待西風擷子吞郎面如花華不注儂心似藕耦相論江南金粉無顏色院北銀箏見齒痕竟日薰時消受得鴛鴦好睡鴨能言

七月茉莉

素處以默妙機其微

李詠紅攸縣

鬢華寶髻亞崑崙咀嚼香借雀舌吞玉鏡臺前含笑弄銀
綃帳下合昏論點拋珠汗沾脂澤色映冰肌是肉痕圓織
成毬團織扇小南強憶漢臣言

八月桂花 月出東斗好風相從 孫紫桂瀏陽

羣仙挹袖到崑崙紫氣如雲嗅欲吞花放重儻知更馥枝
成連理莫輕論風來玉井芬芳夜月滿瑤階皎潔痕出手
有香羞結子成陰休感牧之言

九月菊花 來如淥滿酒花時返秋 周漢雲長沙

東籬日日醉崑崙谷有甘泉汲便吞靈夢欲從孃子乞寒

香須對野人論不嫌冷落因多韻儘有風流那着痕歲歲
年年重九節白衣送酒去無言

十月山茶 如覓水影如寫陽春 張升貴醴陵

人

曼陀羅樹接崑崙飲不如茶強欲吞黃口也知千葉貴紅
顏不共百花論壓來晴雪消寒氣畱看東風解凍痕豈獨
北人知愛惜江南兒女少閒言

十一月梅 可人如玉步履尋幽 袁身梅湘潭

人

羅浮春色奪崑崙片片瓊瑤細嚼吞驛使程途千里訊神
仙眷屬一家論嬌添國色低頭笑淡掃宮妝點額痕人面

如花花似玉冰心冷貌不多言

臘月水仙 杳靄流玉悠悠花香毛得雲湘潭

人

藐姑仙子出崑崙定有觀星入夢吞明聖湖邊同廟食長
離橋畔化身論梅兄替弟凌霜豔漢女江妃步月痕出世
幽香兼冷韻芳盟須待歲寒言

閏月月季 但知旦暮不辨何時 王定保長沙

人

灌園曉起喚崑崙白白紅紅宿露吞春去春來香不斷月
圓月缺影同論千家養女添花課四序逢卿鬪雪痕簾外
模胡窗外見阿儂偷看怕人言

花佐

東皇雲旆捲崑崙細葉攢枝冒雪吞第一番風探信早兩
三點雨佔春論額黃猶弄花鈿影腰紫還紆錦帶痕莫待
宮中搥羯鼓小寒時節放無言

迎春 嚴紫雲湘潭人

仙根何必託崑崙化作浮萍惹浪吞別意都從眉上見多
情半向眼中論佳人異代雲樓夢詞客前身井水痕不是
周郎誰顧問曲終還好接衿言

柳花 柳黛雲湘陰人

林闌花發滿崑崙黃到花鬢有蝶吞竟體香雲團樹穩前
生淨土託根論贈人結挽同心樣助我簪添兩鬢痕色界
天中無着相薰風坐領似清言

梔子 左益枝長沙人

紫雲歌罷轉崑崙江上寒潮小艇吞四十里城張錦宴萬

千株樹納帔論小名雅稱文官號薄飲微添酒客痕枝上

只留黃玉玦仙人來往不留言芙蓉 陳益蓮長沙人

感舊 爲陳雨生作雨生甯鄉人乙酉丙戌間隸清華

帳引與同臥起三日揮金五百一城驚駭今公子流落漢皋雨生亦垂垂老矣回首昔遊有如幻夢偶于巷陌間遇之袞衣廣袖若一老儒見者無不失笑

十年前日舞崑崙狐媚銜珠對客吞姓氏圓圓傾國重鄉

親小小避人論提督黃少春甯鄉人性吝嗇二分春色嬌

無那一笑秋波剪有痕子弟而今新白髮淒涼遲暮感難

言

傷逝 爲胡大成作大成長沙人初爲牙郎喜登場串戲久而入樂籍唱旦後爲春臺班頭全交悅其美引與之私冀其報也大成受而不奮以是銜之終身余屢欲爲之調人兩人均不許今大成墓木拱矣

余爲撰擴銘未及其事偶憶及補述之

十年前日舞崑崙到口猩唇不許吞第一密談嬌客至無

雙麗質婉兒論梅開雪後生來豔蓮出泥中不染痕太息

北邙埋玉樹銘幽我愧伯喈言

倒疊崑崙韻寄實甫行在

五千奏牘發狂言客路風塵雪鬢痕卜式輸財爲國計蕭

何轉餉負時論時君以江督劉坤一疏雍涼古鎮三邊固

涇渭分流二水吞北望觚稜應痛哭眼穿元夕奪崑崙

伏蒲草疏萬千言衣上哀時舊淚痕末路依劉疑失計頻

年薦信僅空論好花無汝愁眉鎖良藥何人苦口吞悔讀

南華今已晚不如歸隱睡崑崙

三年猶記別時言萬事雲消雨滅痕到手明珠彈雀誤隨
身寶劍斬蛟論計程牛馬風相及坐恨蝦蟆月被吞家國
離騷無處託接籬倒着倒崑崙
于時原不畏浮言試看龍蛇落筆痕舊學力探秦漢古新
詞格并宋元論心知叢桂招人隱手種綏桃讓我吞足迹
笑君天下半西行何不到崑崙

倒疊前韻寄懷朱沅州

流傳政績半嘉言兩載鴻泥印爪痕地僻始知民俗厚官
閒還作客居論酒龍詩虎雄無敵犴草蠻花秀欲吞依舊
桃源好風景君如仙吏隱崑崙
長相憶重尺書言聞道新添白髮痕庚子記傳名蹟富丙

丁鑑付說書論偶因覓句髭頻斷只爲耽書墨誤吞囊橐
蕭然誰得見一琴一鶴一崑崙

名家言雜法家言脫盡町畦化盡痕雀角鼠牙爭自息龍
筋鳳髓判誰論庭前綠草眼前景座上青蓮舌上吞棠棣
同時碑在口銘功磐石伐崑崙

昔承風旨接芳言笑典朝衣有縐痕對酒當歌真忼慷焚
香品畫足稱論神駒豈肯供羈馭老鶴原來厭啄吞戲綵
娛親忘歲月西山佳處勝崑崙

廣搜奇字續方言鉛槧消磨几席痕壯此游蹤雲杜夢勤
於宦學孝經論花驄南陌尋常見竹腳東坡最喜吞半日
箸書還決獄黑頭相對墨崑崙

營營止棘誤譖言微玷難污白璧痕兔死烏飛何足怪雞
尸牛後莫深論宦途幾見帆無恙時局於今炭可吞君項
自強人口鑠笑他壓卵捧崑崙

寓意錯疊前韻

秦火遺書共討論誰將抔土掩崑崙羿弓枉逐義鞭影媧
石先開禹鑿痕一舉僅供衰似笑三年未見息媯言翻新
世局真奇絕海水如何盡口吞

塵根心法鏡邊痕無語言時妙語言庖子三年牛可解蟬
人七寸鵠能吞火丸蘿葡宮中兆營燭蓮花座上論造物
似聞盤古造金樞地軸轉崑崙

壯懷欲把八荒吞萬戶侯封豕足論別卻青雲騎款段消

除白日託崑崙五絃珠柱通琴旨一卷金箱箸璧言高臥
東山人不出行吟履舄自畱痕

萬事緣空付戲言鏡花水月妙無痕傷懷怕見桃根嫁遣
恨頻拈豆蔻吞眉鎖不開金屈戌口銘須刻玉崑崙春心
總被東風引往事思量不可論

自強人口餘笑他屋明春有
尸牛後莫深論官途幾見
言盡止誠謂言微

寓意辨微前韻

茶火遺書共討論誰將杯土掩
石先開萬壑風一舉供我
三笑三年未見思

歸歎東風何卦事思量不可論

野渡菰豆蕨香鼠機不開金風
萬事難空林燼言餘林水
東山人不出林燼言餘林水

新白日晴嵐滿在綠林
一卷金餘淨豈言高烟



